

郁離子
草木子
海涵萬象錄
未齋雜言
黎子雜釋
南山素言



南
山
素
言

潘
府
著

中
華
書
局

叢書集成初編

郁離子（及其他五種）

中華書局出版發行

（北京王府井大街三十六號）

秦皇島市資料印刷廠印刷

一九九一年北京第一版

開本：七八七乘一〇九二毫米三十二分之一

統一書號：ISBN 7-101-00894-1/K·367

南山紫言

此據今獻彙言本
影印初編各叢書
僅有此本

南山素言

上虞潘府著

人得天地正氣以生直養之曰正學順行之曰正道
養之弗直行之弗順者邪也○君子誦聖人之言愛
之如父母敬之如后王○好人譽已而忌稱人之善
惡人毀已而樂道人之惡民俗斯下矣○君子思以
禮樂治天下其必由學乎識其數明其義舉而措之
無難矣○古之言也心之聲今之言也口之聲古之
文也言之文今之文也文之文今之心亦果有異於
古之心乎○日者陽之精月者陰之精孔子天地之

精乎○飲食男女入道之門也故君子謹微○古之
儒者見善相告聞善相示今之儒者有善惟自知古
之儒者過失相規今之儒者視人之惡不以告恐其
知而或改焉古之儒者隱惡而揚善今之儒者樂訐
人之短諱稱人之長皆忌心使之也○知知之仁體
之義別之禮文之信實之明此五者其知入道矣○
務禮義以養心者積久而身潤務旨甘以養口者過
則疾病生焉○君子之德所行乎道者五知先之仁
次之義次禮次之終之以信○天下之事盡其在我
者故君子不憂不愧○仁優而不學猶恐爲俗吏况

不學而仕乎○程明道美而幾大也顏子孟子大而
幾聖也孔子聖而神者也○伊川之學而有魏公之
量荆公之時亦可以舉禮樂矣○明道善處荆公伊
川不善處蘇公亦可以觀二子矣○蘇子不識伊川
命也亦伊川此時於道猶未熟耳○仁義禮智信德
之全體知先之以德行道之謂也○韓子大有功於
斯道或以文詞之病而廢人曰柳韓毆蘇失之矣韓
子之生去聖人既遠卓然以道自任其爲功亦難矣
文之不醇無惡也聖人不可得而常見也使前乎唐
而生得孟子而事之後乎唐而生得周程張朱而友

之亦能學問思辯以極義理之精微矣○孔子生而
天地之道大矣孟子生而孔子之道尊矣朱子生而
孔孟之道著矣○孔子答顏淵爲邦之問曰行夏之
時乘殷之輅服周之冕樂則韶舞放鄭聲遠佞人使
孔顏得志行乎天下其政可知也漢唐宋之君能舉
此政乎○不井田不封建不肉刑不足以復三代之
治或說其言之過似也然不法其意而任私苟爲之
去道亦遠矣雖欲治可得乎○人莫不惡賊鄉惡德
之賊也人獨不知惡何哉○范仲淹司馬光李縉胡
寅文天祥此五人者三代以下豪傑之才也克其識

量皆可與諸葛亮並立矣○道德形容而天地之正聲作焉正聲作而天地之情見古樂可興於今矣○一民無告上有闕政長民者能存此心而不失斯可寡過矣○人皆願學爲聖人言之者人必非之吾見之矣不言而躬行者或未之多見也我不行又禁人言之是何絕聖人之甚也天下學佛氏者多矣其教可易絕也懼佛之禍已而不敢絕之則以聖人不能禍人而然也惑亦甚矣○願學爲聖人人心之同然也至之有淺深者非性不善學不足以勝氣質耳○天地間至難得者賢才故人主以愛賢才爲本○君

臣主義而有父子之親存焉故君之愛臣亦如臣之愛君○聖人之道盈天地皆是也學者反諸身而求之可見矣吾身一天地也○聖人如天之自然始學者固未免於強矯或以強矯非之責人亦過矣○人皆願學爲聖人學之篤不及焉者命也顏子不得爲聖人命也○人皆願學爲聖人猶人皆願學爲公卿或曰我願學爲公卿人必稱之曰此大丈夫也我願學爲聖人則訕之曰此妄人也彼曰我聖人也謂之妄人也亦宜孟子曰人皆可以爲堯舜彼願學之奚妄焉使如學爲公卿者人稱之父兄樂教之盈天下

皆學焉聖人亦多矣我故曰願學聖人者其志真大
丈夫也○孔子曰道之以政齊之以刑民免而無耻
後世道之以刑齊之以政而刑日煩矣又曰道之以
德齊之以禮有耻且格後世諱言道與德也故民寡
耻矣○天下之人孔子所深惡者五鄉原也鄙夫也
佞人也下愚也異端也此五者孔子所深惡也或曰
聖人無棄人何哉曰不屑之教誨也○許衡出處未
盡合道而用夏變夷之功亦畧著矣○日月星辰天
之文也山川百物地之文也六經聖人之文也聖人
之文經緯乎天地者也文之功大矣○薦賢惟恐後

論功惟恐先古之道也○學聖人而不至猶愈於不學也得其毛髮者亦足以潤身况得肢體乎○願學爲聖人人皆有是心也非豪傑之才鮮不爲流俗所惑周程張朱天下古今之豪傑也○天下之人二邪與正而已矣辯之之道其必由學乎○耽淫樂者必耽色好善人必好學邪正各以類動也○天下之人凡孔子所不與者皆異端也鄙夫佞人鄉愿是也異端求福鄙夫求富貴其求一也出鄙夫必爲佞人出佞人必爲鄉愿鄙夫之惡顯而易見佞人鄉愿之惡隱而難知敗國喪家之禍皆由此塗出也故亦名曰

異端孟子曰非其有而取之者盜也充類至義之盡也此之謂乎學者於此不與名焉斯可與言道也○治道以正人心爲本人心正而風俗厚矣○鄉愿人愛之佞人人畏之鄙夫人心賤而貌敬之故士多樂爲之而不知改也孟子曰敬人者人敬之愛人者人愛之諸君何必爲鄉愿佞人鄙夫乎○天不得已而生孔子孔子不得已而作春秋聖人之心與天一也○道我固有者也充之爲耳○治家亦欲嚴嚴然後和和然後久○詩自三篇後猶有可觀者至於元衰之極矣故曰元無詩靜脩之學其廢乎○夷狄未嘗

一日忘中國中國不可一時輕夷狄○天地德合而萬物生君臣德合而萬事立○聖人生禮樂興天下平矣○明君出而中國尊賢臣用而朝廷重○邵堯夫蔡元定皆有廣易自得氣象蓋務精義之學故爾○學而無識不足謂之學也○知天下之故者斯可與立天下之政故學者貴有識○冠婚喪祭家法之本也○不知人而好議人大妄人也○子貢問君子孔子曰鄉人之善者好之其不善者惡之今之士欲人皆好之是欲爲聖人所不能也難矣哉○觀螽斯而天下婦人無妬心觀終風而天下男子無暴心是

故勸懲莫善於詩○道由其當然命由其自然斯可
謂君子矣○宋之賢相多矣能舉此職者自李沆始
宋之文事盛矣能舉此教者自范仲淹始○君子聞
謗則自修益篤故日光大○好毀人者德日損幸人
毀者德日崇○好聞過者忠言日至惡聞過者諛言
日至○好聞過不若好改過好聞過不好改過者唐
太宗是也○嚴而恕君子御小人之道也○君子勤
以修業儉以養德○今之禮樂猶古之禮樂乎○人
病自是之疾者雖有良醫不可救也○學者耻相師
何不耻學之不如人也○天下之病至難克者欲心

飲食男女人之大欲存焉日用而不可無者在人察其幾而制之耳○聖人之心清明象天故能照物廣大象地故能容物○誦詩讀書而不見易如之何其可行也○不識春秋不足與決大疑論大政故春秋聖人經世之大典○岳武穆之不成功割中而無應也○天無乎不在有天之天有吾心之天有物各太極之天不假象而後有不離形而後存○大義廢恩石子與周公一也然周公不忍逆探管叔之惡過亦宜乎石子能諫其君不能預制石厚之惡惡得無罪○知義知命可謂君子也○俗吏聖門蠹家之賊也

腐儒聖門敗家之子也○不知命者不可與言天○
君子於義未盡不可以言命○天地無私恩普萬物
王道無私恩普萬民○忌人之善而詆之與善人日
疎矣自害其身者也○經筵得真儒人主無非心朝
廷得賢相人主無過舉○賢才國之元氣元氣盛百
邪不能病焉○不知人者不能取諸人以爲善故德
日小○天下無難處之事大其心平其氣以求之耳
○男女之交王化之原也故詩首閨睢○聖人有天
地之量故天下之善歸焉○君子與時進退故終身
無咎○心内也言動衣冠外也内外交正然後謂之